

ილიას სახელმწიფო უნივერსიტეტის სამართლის სკოლაში 2013–2014 სასწავლო წლის შემოდგომის სემესტრისათვის მაგისტრატურის საფეხურზე მიღების გამოცხადების, სწავლის გაგრძელების მსურველთა რეგისტრაციის ვადების, გამოცდის თარიღისა და წარმოსადგენი დოკუმენტაციის შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2012 წლის 6 ნოემბრის №235/ნ ბრძანებით დამტკიცებული ა(ა)იპ ილიას სახელმწიფო უნივერსიტეტის წესდების მე-17 მუხლის პირველი და მეორე პუნქტის, საქართველოს განათლებისა და მეცნიერების მინისტრის 2009 წლის 22 აპრილს №227 ბრძანებით დამტკიცებული „სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის დამტკიცების შესახებ“ 29-ე მუხლის საფუძველზე, სამართლის სკოლის დეკანის გიორგი თუმანიშვილის 2013 წლის 5 ივნისის №03-9645/13 და 2013 წლის 26 ივნისის №03-10412/13 სამსახურებრივი ბარათების, უნივერსიტეტის ხარისხის უზრუნველყოფის სამსახურის უფროსის 2013 წლის 6 ივნისის №03-9668/13 და 27 ივნისის №03-10453/13 სამსახურებრივი ბარათების საფუძველზე

ვბრძანებ

1. გამოცხადდეს მიღება 2013-2014 სასწავლო წლის შემოდგომის სემესტრისათვის ილიას სახელმწიფო უნივერსიტეტის სამართლის სკოლის მაგისტრატურის საფეხურზე კერძო (ბიზნეს) სამართლის პროგრამაზე. ტესტის ტიპი –D.
2. 2013-2014 სასწავლო წლის შემოდგომის სემესტრში ილიას სახელმწიფო უნივერსიტეტის სამართლის სკოლის მაგისტრატურის საფეხურზე სწავლის გაგრძელების მსურველმა მაგისტრანტობის კანდიდატებმა განაცხადი უნდა გააკეთონ 2013 წლის 1 აგვისტოდან 30 აგვისტოს ჩათვლით, ყოველდღე შაბათ–კვირის გარდა 10:00 საათიდან 18:00 საათამდე, (მის:ჭავჭავაძის 32, ოთახი A401).
3. მაგისტრანტობის კანდიდატმა რეგისტრაციისათვის უნდა წარმოადგინოს:
 - ა) განაცხადი;
 - ბ) პირადობის მოწმობა და მისი ასლი;
 - გ) საერთო სამაგისტრო გამოცდის სერთიფიკატი, ასეთის არარსებობის შემთხვევაში-სამაგისტრო საგამოცდო პლასტიკური ბარათი და მისი ასლი;
 - დ) ორი ფოტოსურათი და ელ.ვერსია ელექტრონულ მატარებელზე(CD);
 - ე) უმაღლესი განათლების დამადასტურებელი დოკუმენტის- დიპლომის დედანი ასლთან ერთად, ან შესაბამისი უმაღლესი საგანმანათლებლო დაწესებულების მიერ გაცემული ცნობა შესაბამისი ხარისხის მინიჭების შესახებ;

ვ) სამხედრო აღრიცხვაზე ყოფნის დამადასტურებელი დოკუმენტი (მხოლოდ ვაჟებისთვის);

4. 2013-2014 სასწავლო წლის შემოდგომის სემესტრისათვის ილიას სახელმწიფო უნივერსიტეტის სამართლის სკოლის სამაგისტრო პროგრამებზე ჩარიცხვის მსურველ რეგისტრაციაგავლილ მაგისტრანტობის კანდიდატებს გამოცდები ჩაუტარდეთ 2013 წლის 5-8 სექტემბერს (5-6 სექტემბერი წერიტი გამოცდა, 7-8 სექტემბერი - გასაუბრება, მის: ჭავჭავაძის 32, ოთახი A405).

5. ილიას სახელმწიფო უნივერსიტეტის სამართლის სკოლას დაევალოს 2013 წლის 9 სექტემბერს გამოცდებგავლილ მაგისტრანტობის კანდიდატთა შეფასებები განათავსოს უნივერსიტეტის ვებ-გვერდზე.

6. მაგისტრანტობის კანდიდატმა საპრეტენზიო განაცხადი ილიას სახელმწიფო უნივერსიტეტის მიერ ჩატარებული გამოცდის შედეგების შესახებ უნდა წარადგინოს უნივერსიტეტში 2012 წლის 10 სექტემბრიდან 12 სექტემბრის ჩათვლით 10:00 საათიდან 18:00 საათამდე, (მის: ჭავჭავაძის 32, ოთახი A401).

7. ილიას სახელმწიფო უნივერსიტეტის სამართლის სკოლას დაევალოს მიაწოდოს საზოგადოებასთან ურთიერთობის დეპარტამენტს უნივერსიტეტის ვებ-გვერდზე განთავსების მიზნით 2013 წლის 12 სექტემბერს 20 საათზე გამოცდებგავლილ მაგისტრანტობის კანდიდატთა შეფასებები და სამაგისტრო გამოცდების კოეფიციენტებით რანჟირების დოკუმენტი აპელაციის შედეგების გათვალისწინებით.

8. იმ მაგისტრანტობის კანდიდატებთან ხელშეკრულების გაფორმება, რომლებმაც წარმატებით გაიარეს ერთიანი სამაგისტრო და შიდასაუნივერსიტეტო გამოცდები და სამაგისტრო გამოცდების კოეფიციენტებით რანჟირების დოკუმენტის მიხედვით მოიპოვეს ილიას სახელმწიფო უნივერსიტეტის სამაგისტრო საფეხურზე სწავლის გაგრძელების უფლება, დაიწყება 2013 წლის 13 სექტემბრიდან და გაგრძელდება 18 სექტემბრის ჩათვლით, (ძირითადი სია 13, 14, 15 სექტემბერი, დამატებითი სია - 16, 17, 18 სექტემბერი) ყოველდღე 10:00 საათიდან 18:00 საათამდე, მის: ჭავჭავაძის 32, ოთახი A401.

9. მაგისტრანტობის კანდიდატს ხელშეკრულების გასაფორმებლად წარმოდგენილი უნდა ქონდეს ამ ბრძანების მესამე პუნქტით დადგენილი ყველა დოკუმენტაცია და ამ ბრძანების მე-8 პუნქტით განსაზღვრულ ვადებში უნდა გააფორმოს უნივერსიტეტთან ხელშეკრულება.

10. სამართლის სკოლას დაევალოს მაგისტრანტობის კანდიდატებთან ხელშეკრულების გაფორმების უზრუნველყოფა მხოლოდ კოეფიციენტებით რანჟირების

დოკუმენტისა და ამ ბრძანების მე-3 პუნქტით გათვალისწინებული დოკუმენტაციის საფუძველზე.

11. ის მაგისტრანტობის კანდიდატები, რომლებიც ამ ბრძანების მე-8 პუნქტით დადგენილი ვადაში არ გამოცხადდებიან უნივერსიტეტში და არ გაივლიან რეგისტრაციას, კარგავენ უნივერსიტეტში ჩარიცხვის უფლებას, გარდა საქართველოს კანონმდებლობით გათვალისწინებული შემთხვევებისა.

12. სამართლის სკოლას დაევალოს უნივერსიტეტის რექტორს 2012 წლის 19 სექტემბრის ჩათვლით წარუდგინოს იმ მაგისტრანტობის კანდიდატთა სია, ვინც გააფორმა უნივერსიტეტთან ხელშეკრულება.

13. უნივერსიტეტის სამდივნოს დაევალოს ამ ბრძანების გამოქვეყნება უნივერსიტეტის ვებ-გვერდზე.

14. უნივერსიტეტის კანცელარიას დაევალოს ამ ბრძანების დაინტერესებულ პირთათვის საჯარო წესით გაცნობა.

15. უნივერსიტეტის კანცელარიას დაევალოს, მიაწოდოს ამ ბრძანების ასლები სამდივნოს, ხარისხის უზრუნველყოფის სამსახურს, იურიდიულ სამსახურს, სამართლის სკოლას.

რექტორი

გიგი თევზაძე